

Ирджәх хальмгуд бийсдән гермүд бәрджәнә

Приютненск района дөрвдгч совхозд хәрү газрун нүүдж ирджәх хальмгудин ик олн өрк-бүлмүд бәәцхәнә. Эдн нургълдж бийсдән гер бәрдж авцхаджана. Тосхлтин кӧдлмш бүрдәмджтә сән кевәр, хурдар кегдджәнә. Энүнә учрнь, совхозин кӧдлмшчнр-хальмг улс хоорндан негдәд, нег негндән дӧнъ-нӧкд болад кӧдлджәснд бәәнә. Дакад болхла, шишлнь бригадс бүрдәгдәд, тосхлтд кергтә шавр кирпич кеджәнә. Совхозин дирекц нүүдж ирсн улст гер бәрлгънднь сән дӧнъгән күргнә.

Совхозин „Шатта“ гидг гурвдгч фермд хойр бригад хальмгудас бүрдәгдсн, шавр кирпич ик эртәр эклдж кев.

Эднәр үлгүр авад, дөрвдгч фермин хальмгуд бас шавр кирпич цокдж бәәнә.

Гурвдгч фермд зәрм улснь герән экләд тәвджәнә. Эдн дунд Опаев Бова болн нань чигн улс. Кирпич келгънд сәәнәр кӧдлдж йовхнь Нимеев С., Гришкиев Э., Айгуров Б. болн нань чигн улс.

Бийсдән шин гер бәрджәх хальмгуд терз, үүд, деевр кех мод государствас авчана, дакад болхла ссудар мӧнъгн эднд ирджәнә. Тиигәд хальмгуд эн тоот государствин өгчәх дӧнъ-нӧкдтнь икәр байрлад, партъ болн правительствд ханлт өргджәнә.

О. ОЧАЕВ.

4-ч совхозин 3-ч ферм.